

畧此悃謝見養之恩吾今還北極事言訖而覺既行其驗立應忽家書至述養龜已失同夢時也修城完日以由呈稟潛臺環詳體具奏朝廷回降旨下就信陽城建立水火二神殿呪文勒石永為救民仁宗追封敕賜二神號曰神龜同德佐理至應大道顯明武濟陰威翼聖左正侍雲騎護國保寧輔肅玄初太一天太左將軍聖蛇同德佑理至惠誠重威慈普濟陰辨武聖右正侍雲騎護國保靜輔肅守玄太一天大

右將軍

以副上意切切為之

以副上意切切為之之句是玉童繳白玄武將軍遵命也玄武辭謝詰職出離北極之宮即日赴右勝府置理任所委公事矣

太上說玄天大聖真武本傳神呪妙經卷之一

太上說玄天大聖真武本傳神呪妙經卷之二

即人方田子佩丹玄內教錄陳俗集疏

時有真人名曰妙行持離班伏帝前曰臣宿有因緣得聞妙理北方大將玄武將軍巡察天人錄善罰惡不知此將應化何因有何神通鬼神降伏

是殿每朝會較結錄籍不輒須臾具元儀畢許請問諸因緣事

願惟大造少悟小聰

十極之中真人位號皆有妙行之稱唯東

極宮中者最作是班之領首莊子曰且有真人然後有真知引證彼真人之行虛皇尊曰與真常會無有明相執為妙行時會中諸來者俱恪守班次惟東極妙行出芴越班伏奏練求於紫微帝前而自頌宿契得聞玄武有妙理之因故發願唯問讚大造之副少悟小聰之懇為請耶夫道之字曰大也化之名曰造也仰之大而化之謂聖此聖者果神智六通能攝攝鬼神事是時大帝隱几而言妙哉真人能為凡間然

其玄武應化之因渺邈難窮希夷莫究

隱凡者乃伏几也時紫微大帝開請則忻然伏御几案而俯示大眾與以讚美妙行真人誠發妙哉之問玄武應化神通職業盛事耶故妙行善能為凡間啓塵俗之人

普欲使將來知有天神玄武凡身修鍊了證六通總司三界功過等事且渺邈難窮者謂通化無緒無所不入莫可得而窮者也希夷莫究者謂神變難測無所不容莫可得而究者也按靈寶智慧上品證六通請曰天眼神通視智高慧通目中未童總五色之光洞觀無礙自上自下四方八面無所不照無所不明地耳神通聽智遠慧虛廓中元窻總五聲之音聲感響應上聞九天下聽九地無所不知無所不究東鼻神通空智清慧察孔神黃寧總五氣之氣洞妙自然出入陰陽往來無門西口神通虛智微慧明窻官太和總五味之清洞達神英虛無不納願無不容南心神通清智明慧開舌司正倫總五神之栢洞杳飛芒

經緯萬方不疾而速不行而至此神通  
微智遊慧深主司人關法四時玄序洞妙  
九微把握生端上應天關陰察禍福是故  
玄帝由持此之大戒處凡而能攝伏眼耳  
鼻口心手之塵欲乃得經濟而神性兼通  
於六洞也然後威加鬼神應諸外道不祥  
莫不聞風而伏玄帝歟  
蓋乃玄元聖祖護度天人應化之身神明之  
妙

玄帝聖祖乃祖炁也三寶之尊神是歟天  
寶君主聖祖始炁出書時號高上大有玉  
清宮靈寶君主元炁出書度人時號上清  
玄都玉京七寶紫微宮神寶君主玄炁出  
書時號三皇洞神太清太極宮並出大有  
金書天寶以開天地之光靈寶以開九幽  
長夜之鬼神寶以制萬靈之事故知太上  
護度應化之恩每隨入天諸根性漸令入  
諸圓成也存神者助神通以化之見明者  
啟明察今變之中斗經曰大道無形常居  
杳冥聖中之聖靈中之靈包羅無外舍養

衆生  
蓋無形之為道非有象之可言變化億千虛  
無難測

蓋元炁也非非是也元始元炁生天生地  
清淨經曰大道無形生育天地應運經曰  
太虛無象杳散為人天布日月星辰之象  
地結山川海嶽之形人稟五行陰陽之秀  
皆本祖炁相承非是有象可言耶荀子曰  
天不言而人推高焉地不言而人推厚焉  
天地為大矣人不誠則不能化萬物是故  
元始行不言之教而強名曰道較之變化  
億千者數也且萬得十千兆則百千億計  
千千矣千千名大千世界機分百萬於虛  
無中推運是理也彌綸萬天統御萬界以  
分萬象以明萬物以傳萬法制御萬靈攝  
召萬炁以通萬化積斤萬魔不著焉有云  
云莫測  
且玄元聖祖八十一次顯為老君  
大洞天寶君內號曰玄元聖之祖也乃生  
一成二以開大羅三境之天出號曰元始

也洞玄靈寶君內號曰玉晨虛皇專法三  
三不夜之光開九霄之天境出號曰大道  
君也洞神神寶君內號曰玄元後聖君法  
九九八十一炁布列八十一陽天方顯號  
曰老君也混元經曰老君顯若嬰兒生成  
鬚髮皓白上天內號曰老子教品經曰  
元始故命老子託化人間或夷或夏隨世  
改號演說科誡開度一切有為羣品也按  
道藏總龜載當太古上三皇時號萬天女  
師出玄中大法於世中三皇時號曰有古  
先生出太素經於世下三皇時號曰金闕  
真人出金闕秘經於世教民以太平無為  
之道也上古伏羲氏時號曰鬱華子當出  
元陽經於世教順性命之道神農氏時號  
曰大成子出太一元精經於世教以好生  
之道軒轅氏時號廣成子出道誡經教以  
飛騰之學游淨樂國時號紫元君授玄帝  
太和玉虛之訣教以智慧上品大戒乃歸  
根之道中古少昊時世號曰鴻濛子顯現  
時世號曰赤精子帝嚳時世號曰錄圖子

帝堯時世號曰尹壽子帝舜時世號曰務成子夏禹時世號曰真成子商湯時世號曰錫則子周文王時世號老聃官佐柱下史出道德二經於世時關令尹喜受學今補為大羅玉清聖境太師之官判天樞院事莊子曰關尹老聃古之博大真人也寂寞無形變化無常仙翁葛洪曰老子是天地之精神無世不出

八十二次變為玄武

玄武名成於後天之際按降筆實錄玄武果先天始炁五靈玄老之化乃元始化身太極別體上三皇時下降為太始真人孔穎達疏老子道生一此太極是也太極生兩儀中三皇時下降為太初真人日月在太易時含光太初時發揮下三皇時下降為太素真人按白虎通載形兆既成名曰太素此炁皇立人夫婦之道化當黃帝時生淨樂國為王子時道號潛雲子於道有功玉帝獎勵始封玄帝之號也夫大道者元始帝先賜封五靈玄老開北召水乃元

黃植象之根次漸分氣化形一一為上帝之官也謹顯諸化太始天一二身太初太陰辰星月孛斗牛女虛危室壁二十九身六甲壬癸一十八身太素北獄亥子丑乾坎七身風雷雨電霹靂二十五身炁老八煞人星一十身至玄帝身乃第八十二次化也

故知玄武者老君變化之身武曲顯靈之驗

老君別號曰混元上帝易有太極是也太極分化太始經曰老君變化之身也大帝人以其從弟武曲顯靈事驗處為比者蓋兩聖功德頗類按北斗本生經曰昔龍漢初劫有周上御國紫光夫人於上春日游龍至溫玉池邊方脫衣澡盟忽感蓮葉九苞一開發中有化生九子夫人護抱鞠養宮中志願惟成聖哲佐輔乾坤諸子洵壯冠乃各修因地功行俱滿白晝冲天並受得三清貴職矣天皇大帝長子也佐紫微上宮紀綱元化眾星主領紫微大帝第二子佐北極中官明堂布政下土貪狼配天

為元主萬物為延生巨門配地為元主物命為延命祿存配日為火元主祿為保命文曲配月為水元主祿為益算廉貞配其土為江元主官爵為消災武曲配水為河元主壽為散禍破軍配金為海元主妻兒為扶衰按傳洞真註北斗經第六武曲輔星玉諱昌上元處凡修鍊時奉行北極天心大法救物利生道號曰太車子德稱曰定真君不日行滿功圓奉天詔飛升官拜紫微垣太常執事斗中玉冊位房斗中紀明真皇天闕陽官所配事水政主錄河元主管神仙升進公事上總九天上真中統五嶽飛仙下記學道之身歷諸功勳合轉階級者悉總調達注名玉曆管攝下土歲時發生地財度支天倉府庫出納事且玄武寄凡自開皇初劫雖異世所修並充天職臨事同體悉以蒼生為心其含靈受所賜者多矣於是二真紫微微贊顯靈而同驗耶

本虛危之二宿交水火之兩精

天中北上乃化玄炁之宮有虛危二宿位  
 分占天次二十六度二十五分半是日月  
 兩曜輝耀之舍副日帝月皇之政水火在  
 昔炎帝癸巳歲正月朔戊午日旦甲寅時  
 日月合璧二炁混虛危宿度神彩流降奎  
 婁之域淨樂國境也善勝皇后偶寢宮酣  
 熟靈游軀外見像日圓光入口吞之而覺  
 有孕是歲末炎帝國滅于阪泉黃帝受命  
 都建有熊甲午歲立焉淨樂君誕生聖子  
 乃虛危分秀水火流晶而成形體壯年受  
 學玄元化度法要義旨曰太和玉虛紫微  
 上都五常回曲六律引書清朗為炁玄秀  
 應敷帝有妙法君降極圖象徧梵境通運  
 神居廣方便門衆妙無殊無真不現無道  
 不俱順于變化逆于邪違乾為十合坤連  
 萬墟入淨出渾應變總如此境至極上號  
 曰太玄都寶錄云紫元君復授道要畢囑  
 曰子當龍漢四劫披髮跣足攝坎離真精  
 歸根復位返本於虛危之間也  
 或掛甲而衣袍或穿靴而跣足常披紺髮每

仗神鋒

董真君曰玄帝准告命往下方降魔日元  
 始有敕神如斯結束莊子曰天與之形道  
 與之貌是耶

聲震九天

既拜九天遊奕使又領九天採訪使司察  
 功過神仙公事於是九霄梵天之上玄帝  
 威聲豈不震歟

威分四部

專三界大督之柄按月徧糾四大部洲鬼  
 神公事東自播本佛于忉部西至流沙瞿  
 耶尼部南至交趾閩浮提部北極幽陵醫  
 單越部應城隍鎮戍械甲兵馬等神並聽  
 節制况玄帝今名威權豈得四部之神祇  
 不職歟

擁之者阜轟玄霧躡之者蒼龜巨蛇

玉清宣賜阜轟時當水壽元年上元節也  
 樹旗事若玄霧興生乃表威權之望於是  
 乎十億烈士咸觀旌旄皆同會信悉赴太  
 玄之命又地軸水精神龜天關火精聖蛇

捧擁玄帝足下司行討伐天上天下下應  
 不正妖氣最威者是天關地軸阜轟也  
 神兵神將從之者皆五十萬玉童玉女侍之  
 者各二十四行

行也者列次也此職右勝府之近司屬隸

北靈官為次也則左右分掌威儀及書記  
 三界中善惡功過等事按仙傳拾遺記曰  
 漢相張良避世登真位號太玄童子按啓  
 聖記云信州弋陽縣有敕封額寂照孝女  
 之祠原本右勝府中掌籍綠霞瓊女也因  
 陸中道同妻張氏素勤恪真武香火惟求  
 嗣續至晚年妻夜夢吞紅纓感孕誕一啞  
 女顏色絕倫至十三歲一日忽琅然發聲  
 告別父母曰兒本是上天雙女官綠霞瓊  
 女兒昨因父母求嗣於北方真武蒙參照  
 父母枝慶案籍即無胎產男女之名真武  
 遂以父母有處世平等之誠保奏三天蒙  
 回降敕旨下點差兒化紅纓投胎充女身  
 注一紀壽終歸上會兒離天府時承真武  
 慈旨汝到人間切勿發聲今聞宋朝司天

監言陳國分野當戈陽縣下有陰貴仙骨  
異人現定來刷兒身恐世天機未便況兒  
壽限過期當歸聽北極右勝府副判司祇  
備差使一任七年滿日得返雙女宮矣言  
訖奄逝事達聖聽敕贈令號也以此表證  
是府玉童玉女定制額也

綬北帝之靈符

漢官儀曰綬者有所承受也所以別尊卑  
彰有德也玄帝於飛升時受金闕賜北帝  
靈符之冊牌首見竅穿以銷金飛雲紫白  
交帶謂之綬也牌面符書乃金篆文曰太  
玄元帥龍文攝化之符

佩乾元之寶印

佩也者身服玉佩也白虎通載故能脩道  
無窮即佩環玄帝飛升時金闕賜佩紋鈕  
玉印以封事為信驗者也印章命曰乾元  
寶印符印上式權且以凡間書模也想天  
文數煥凝結成篆況玄帝增封拜加重職  
六事奉權命符印又六顆矣規成模範大  
小及文篆則凡世所未得見聞流傳也

驅之有雷公電母御之有風伯雨師

北極右勝府事天蓬大元帥判五雷院事  
職階曰都天大雷公也所轄風雲雷雨之  
使及飛龍騎吏左右億千兵馬水府力士  
河伯吏兵共三十萬衆日夜周緯陶鑄都

天之下萬彙諸品物耶右勝府事討罰鬼  
魔不正事則是等准副共合大信遵依揮  
燾行營之命驅馳駕御威奮赫奕助罰不  
正公事按上清法隱書所錄諸大聖者官  
叙階職品男官女官姓諱謹願之千石五  
雷院屬第一廳男官雷霆院事霹靂大總  
管通天入地變現搜捉大將軍吳天安第  
二廳男官與駕霹靂九天遊奕討罰姦邪  
使歛火搜捉大將軍鄧伯溫雷公五員第  
三廳男官雷霆號令星火炎飛懲擊下過  
心事監蒐縛鬼大將軍王明第四廳女官  
雷霆院斬祟擒龍大將軍王天安第五廳  
女官雷霆院破廟斬尸大將軍吳天明電  
母都使北極驅邪女官右總管雷霆四時  
電光事大仙母尋菴大將軍田守明同知

院事男官雷霆院催電啟震欽霹靂火通  
天入地搜姦急捉大將軍田守真風伯大  
君北極右勝院風伯副其使紀綱八卦行  
風使案糾不法怪異風變事大將軍金三  
五雷院都大簽書諸部雷霆錄籍處行風  
雨電射應干不正邪魔事判官辛漢臣兩

師神龍九天開化掌籍主宰充下元水府  
轉運使檢校諸洞行雨公事元皇靈應帝  
君張亞統五湖四海九江八河七澤十二  
溪谷行雨龍君外行雨洞龍右一百七十  
號見孔雀經夫五雷六甲八煞皆五靈玄  
老悉化分靈孕凡荐修今號方出也淮南  
子曰雷電不與風雨不作是故五雷號今  
雷火微菴風布八卦雨澤行教乃降至和  
生成萬物不然雷轟霹靂電火燥焚風烈  
怒號雨驟震電斯非詭雅之象天行誅討  
耶詩云敬天之怒無敢戲豫  
衛前後則八煞將軍隨左右則六甲神將  
乃玄都右勝府正衛威北八煞大將軍八  
營駐劄于鄧都嶽華蓋山之前也謹顯諸

熱姓名之次第天熱將軍張子庶地熱將軍陳子青日熱將軍李德月熱將軍范子章不熱將軍杜子貞火熱將軍劉子大金熱將軍王子言石熱將軍賈子元副翼衛司威南六甲大神將六寨營伍旁列千太微垣華蓋星之下也又謹顯諸將姓諱甲子水將李文思甲戌土將李守通甲申金將李守金甲午火將李守左甲辰風將李守進甲寅木將李守遷按說靈寶經時元始在始青天中演教度人偶下土東北兇變則神公受命普掃不祥也斯時六甲抱金關七政守靈壇八威奔電激九鳳破兇邪並准副玄帝討罰前後剛澤左右微控也可謂金鉞前戮巨天後刑非特此時至今號今亦爾開皇章曰羣魔欽至化萬國保康寧是謂也

天罡太一率於驅使之前  
率也者賓伏也於也者幸侍也天罡太一亦係五德神君乃賓伏幸侍充太玄從官常備准威用按本經載云擁之者早轟玄

霧躡之者蒼龜巨蛇也乃右天罡掌卑轟諱監兵乃白虎七煞右將軍及下太一截聖足諱執明本玄武五煞後將軍蓋聞玄天上帝威貫神真也後職階北極左天罡之罡早轟旗心端設北辰貴其生成萬彙也又階職鎮天玄武三界大都督之官毋恭行天討罰兇則神武不殺也其右天罡下太一顯行司殺事也按玉冊曰降水火二精於掌握則三五合同功也三乃聖蛇五乃神龜也攝甲庚兩將於紀綱得七九齊制用也七馴蒼虬九御玄駿故知駟策斬變惟此數將最能關固

社令城隍悉處指揮之下  
悉也者皆聽也處也者制度也社令城隍係在所國土州府軍縣鎮監鄉村疇里各有斯職分領陰景卒吏機察本界中事皆聽太玄指揮制度使令也昔者巢城犯惡當玄帝蕩沒彼處無得城隍社令遵副自化道士證明焦婆充役處土地聽指揮也啓聖記云昔巢州四民兇暴乃積劫累聚

殺害物命恣充口腹脂肥以至僧道之流亦皆做效俗態逐日血屍狼藉穢氣上衝觸犯日月星辰亦滅光色是時九天察訪使上奏天廷昊天玉皇駕御出三天門觀覽閻果見吳分巢州地惡人兇乃命天官紫微大帝及地水二官取獄司委實北極方詔右勝府副帥下蕩此境連城陷沒為洲永清淨也真武趨朝得旨嘆奏臣聞地方千里未必人人劫切恐大寬愈結容臣下審地祇大帝復曰此州城隍社令悉預奉玉帝敕旨遷任他所真武遂遵副敕命仍遣部下右天罡先行審察既降遂變一大鼈死浮溪面果官吏士庶互報開來分嚮無不食者真武亦觀斯惡自化為凡流道士巡門遍經覓水驗實唯焦婆家有

不殺之德餉水清淨真武謂焦婆曰此城不久當蕩為湖也可速登聖女山居作湖山土地道士言訖不見婆挈家同子婦竟登是山既至迴觀觀黑風巨雨霹靂洪波於頃刻間不見城基派為水界婆手加額

(017) A 9 U . 6

忽瞻見空際一神狀貌若覓水道士降言此水屬汝所管也道士既升州官吏乘檝到山詢逋元因各申所屬逋怒相繼捐世西晉封靈顯聖母改湖山從焦姓號豈不因真武處分指揮保斯職乎

有妖皆剪無善不扶

精乃物妖之感化有犯則無不剪除也善人方便益世暗中真司扶助慕啓聖記如魏公韓琦判大名府時熙寧二年己酉歲秋據黃河埽吏馳報曰本埽嘗有一巨龜之精出害生靈久矣今又出浮於水面恣濤汕發壩塌崩隄水勢暴橫莫知漂溺人命公聞急遣幕使鄭圭通判華悻措置奉旨至隄二人朝服焚香仰扣北極真武曰願降靈助鄭圭剪妖遂張弓矢射中龜沉水順壑整埽完忽一夕圭卷若夢聞被二吏拘曰吾承闕羅府追汝證對殺龜公事執行至一山府二吏自相語曰真武今日降此圭聞問故曰板勅中下二界黎庶應造善惡並屬此風不離山府所理也圭越

從入急趨雪故蒙旨下案檢會水族格屠俄齋簿呈龜前身本人生西京大宛為齊明侯子名程宣也治雲夢城不法唐高宗遣大將陳元忠討西其城下日火燒身死魄充此地城隍擅自邀祭枉害人命鄴都

糾知罰為黃河四埽卓州界內推潮運沙土地之職却於歲身三年庚午歲魄氣投龜胎既生長輒徙黃河七埽大宋北京界內興發水災已四百年共枉殺黎民生命萬數真武聖判曰龜死本當碎屍尚敢妄

詞寬執陽間屬官理索性命況鄭圭遵魏公旨韓琦不日除赴紫府真人之位當吾保奏也圭拜謝間聖遣符使懷神龜與承吏鄭圭同赴章閣羅庭中稟事因妖龜尚言希求生路身乃五百歲成器之形王教符使出其神龜金光罩挾妖龜騰空碎為微塵飄飄撒盡地司今鄭圭還生從此人間永無斯禍  
朝金闕而起崑崙開天門而閉地戶查冥恍惚審察窮通

金闕者乃大羅三天上帝宸庭總號也曰金闕玉清金闕上清金闕太清也崑崙者謂无上之基玄都玉京山名也乃清微禹餘大赤三天宮殿建在斯山內也昔日詔玄帝趨赴朝見元始是時奉命行事功著

人鬼分途天司主開陽開陰故謂開天門閉地戶也分期出杳入冥恍惚經緯萬方往來審察三界窮變通化隨宜開度一切有為無為事理右按降筆實錄每奉真朝會昊天玉皇上帝則四聖為都班之首引領起居也

起居也

居其壬癸之方  
居者安處也太極始判分二儀開天一生水闔地二孕火立為壬癸之方列紫微北面易納甲義壬癸者乃乾坤之至精也乾陽動生甲壬成坤陰靜生乙癸就乃化天地陰陽之和氣也乾中靜變壬為離日坤中動化癸為坎月迭往迭來盈具戊己而負陰抱陽司化萬物實繫水火陶甕鑄龜也按降筆實錄云玄帝所居之闕號曰天

一真慶宮處紫微北在上太素秀樂太虛無上兩天之間宮殿巍峩皆自然妙炁所結琳琅玉樹靈風自鳴聲合宮商之韻紅光紫霧常覆其上此處則玉虛無色界也助有甲庚之將或乘玄駿或跨蒼虬

助有者順立成局務也甲庚將者將乃帥之佐有正副四員甲戌庚辰也甲仁愛庚義宜關制命成信誠辰吹噓魁罡爰從喻若造父王良左右攝提之職掌玄帝馬院龍庭之政也甲戌將正副者除收玄駿之使乃引轡執策之承易納甲義甲乃乾之應戌乃乾之比一將名位處室壁之間應天象如造父王良政馬庚辰將正副者參馴蒼虬之紀佐襲逐飛御之官易納甲義庚乃震之應辰乃震之比二將名位處角亢之下應天象若左右攝提任焉乘者駕也玄駿者玄乃驪黑色駿乃形之高八尺也曰元馬本奎比河中天駒分精易說卦乾健也乾為馬而應陰紀陽故能往復踴健也跨者騎也蒼乃青碧色虬是獨角

龍也曰標榜龍角帝座之別區也易說卦曰震乃動也震為龍時落升陰中之陽常風雨奉之

目閃電光眉橫雲陣身長千丈頂戴三台按降筆實錄云玄帝為凡人時身長九尺

面如滿月龍眉鳳目紺髮美髯顏如冰清頭頂九炁玉冠身披松蘿之服自飛升後每奉降魔制妖神變千丈大身雲肩電目三台六星為冠上台司命主壽上星應天子下星應女主中台中主宗室上星應諸侯公王下星應卿大夫下台司祿主兵上星應士子下星應庶人太微三台六星兩兩相比傾光隨覆玄帝之頂世人做效為冠名晉天文志三台為天階太一和陰陽理綱紀主開德宣符之驗右按法家符祝曰上台一黃祛却中台二白護身鎮宅下台三青治病除瘟故知三台垂象神光煥赫而能昭德塞違者也其動也山水蒙其靜也地天泰以茲顯化故乃神通

按太玄都真藏玉華笈云祖炁化易啟肇應運混元隱顯變易交參夫蒙泰動靜玄義乃金液化神煉以成剛日用之法也昔太華老人云修外者無極無窮修內者無形無影外修太虛內修氣運故得外神安而內氣合乃名顯倒返神之數也動蒙艮山為鼻息出入坎氣血通流利用有德而成聖功太素秀樂天君曰以無為上下左右前後以氣神和之故能常得自然之妙謂寄身行道託命傳真也靜泰坤地母為黃一乾天父乃祖始有無交相陰中發陽西華帝君曰若能寢處引息其神知其所出可見本神不為幻影所著不為夢寐所奪此為運坤神而變乾象也按金碧潛通龍虎上經曰六十卦體盡出乾坤中還須經否泰始可議屯蒙按張平叔續易道曰故易道妙盡造化之體用遂達託象雷於斯文蓋一在其中矣謂乾上坤下天地否乾坤為鼎器謂坤上乾下地天泰交感如日月☳水雷屯守一存三免雜月停火☲

山水蒙聖功神化運混沌育元精蓋人倫稟協無出一炁之元若夫善願元鼎善運一炁是不足度于五行可成真道復命篇曰東南西北要精通交感乾坤雌與雄火候直須牢穩吹噓全藉巽家風陰符經曰天發殺機龍蛇起陸謂後發之前東南巽位地戶也坤寄體地戶坤毋索一二生屯就二而索三成蒙難易同氣相求剛化先柔使神有所度而氣有所派動法運天根發巽時以據內動蒙屯生成之數加四奇八耦象日月之右轉三百六旬度之載已土而養金鉛專以鼻竅始青真炁入于泥丸金生真水燧爐火候結鍊陰符經曰人發殺機天地返覆謂前弦之後西北乾位天門也乾本位天門坤無定位月節臨乾蓋乾坤三變而興否泰居寅申也寅生離火成已土申生水伏戊火也靜法守地根在乾時而當外存乾坤二策之數否泰日往來如天道之左旋三百六旬一周戊火以襲木汞次以舌下華津飲三十六

熱使火化真土變神以御玄靈正陽真人訣曰身中用年月日中用時刻謂以日為年以辰為節也但任外神遷變而以內氣固養外當隨化應時內得神堅氣固以此修之最為捷法也下士遇化而歸真真士開度以上昇玉虛太清章曰玉虛之始化于太清變運上極持正入真化悉攝穢臣御眾靈鍊寶回光五常集興律令統紀度拔眾生神降炁平保練常寧以入真眾諸魔潛傾此道名上境學者謹諦聽日月至年運修進無回停大功三萬日小功百日升應有緣法士用之以虔誠速度諸業海超登上玉京故知玄帝修四十二年成茲上道得證諸神通矣

太上說玄天大聖真武本傳神呪妙經卷之二

太上說玄天大聖真武本傳神呪妙經卷之三

鄒八方四子佩昇玄內教錄陳倫集疏

是時真人再拜稽首曰臣之慶幸荷此綸辭妙行稱讚紫微敷演乃經綸端緒之教

然其玄武之將軍乃玄元之應化其始之迹其事云何願賜詳言以開蒙鄙

蒙者不知也鄙者不慧也故妙行謙和宣明開析玄武詳節普使會眾咸聞靈因亦願三界人天盡知玄武妙紀深趣之旨要也

於是紫微大帝敷以玄言釋彼所因解無上事者大羅境上無慾天宮淨樂國王

夫淨樂國君能聖哲主務而感生玄帝繼踵於考命終日得乘生前所種清信功力命超無慾天宮承飯天之廚箱受諸快樂

自然虛皇經曰人有千善福及七祖死鬼為仙萬善既備玉符下迎千神來朝白日

登晨玄帝修真果效奉天詔曰九五老天君降旨曰子之聖父聖母已在九霄矣九霄境乃玉虛無色界中列三十六天宮總